



A l'ur da la sala dal cussegl grond è il post da lavur da la polizia en civil.



Survegliada vegn er l'entrada dal center da congress dad Arosa nua ch'il cussegl grond ha quels dis sia sessiun ordvart Cuira.

FOTOS G. N. STGIER

«Agir enstagl da reagir»

La segirezza tar la sessiun «extra muros» ad Arosa

DA GION NUTEGN STGIER / ANR

■ **Er ad Arosa èn la regenza ed il parlament grischun bain protegids. Per la segirezza durant ils quatter dis da la sessiun da zercladur segna sco er adina a Curia en il bajetg dal cussesgl grond la polizia da segirezza da noss chantun. Quai fa ella dapi il 2001.** Da gronda impurtanza tar las sessiuns dal cussegl grond, ordvart la chapitala grischuna, sco da preschent ad Arosa, è naturalmain er la segirezza. Er da preschent segna per quella la polizia da segirezza da

noss chantun. Ils policists ch'èn responsabels per protegir las persunas dal parlament chantunal fan servetsch en civil e na en uniforma. Sco quai che *Urs Nutt*, il maina-acziun, ha ditg saja la preschientscha da gronda impurtanza e chaschunia tar tuts per ina tscherta segirezza. Introducì il servetsch da segirezza per las sessiuns dal cussegl grond ha il chantun il 2001, suenter l'attentat crudavel da Zug ils 27 da settember, nua che intginas persunas han pers lur vita. A partir da quel di è er per noss parlament in servetsch da segirezza indispensabel. Urs Nutt accen-

tuescha ch'il servetsch da segirezza a favur dal cussegl grond sa laschia cumparegliar cun la lavur durant il Forum economic mundial Tavau.

Buna relaziun cun parlamentar e parlamentarias

Per il team da segirezza saja cunzunt impurtant ch'ils parolamentaris hajan gronda confidenza tar las persunas che prestan quel servetsch. Urs Nutt conferma che en quels onns saja quai propi uschia che la relaziun tranter la polizia en civil e las deputadas ed ils deputads saja exemplarica.

Las dunnas ed ils umens da la politica stimian il servetsch e la preschientscha durant las sessiuns zunt fitg. En quels 14 onns che la polizia segna per la segirezza dal parlament chantunal saja strusch succedida ina acziun da grond privel. Intginas manifestaziuns hajan bain gè lieu, dentant en ina furma modesta.

Avair buns egl

La devisa essenziala tar in servetsch da segirezza saja dad agir empè da reagir. Reagir en in cas urgent saja gia memia tard, menziuna Urs Nut. A vess la polizia per

exempel da survegnir in alarm da bumba saja immediat dad evacuar las persunas en privel, infurmar per exempel il president dal cussegl grond inclus il cusseglier guvernativ e schef da segirezza. Ils umens che prestan quel servetsch èn armads ed equipads cun tut ils meds, sco per exempel vapurisaders irritants, per ina protecciun da persunas. Ils umens che segnan per il servetsch da segirezza hajan er in bun sentiment per caracterisar las persunas ch'entran e sortan da la sala dal cussegl grond. Avair buns egl, quai saja da grond avantatg.